

საქართველოს ტექნიკური უნივერსიტეტი

საერთაშორისო ურთიერთობათა
და სტანდარტების სამსახურის

დ ე ბ უ ლ ე ბ ა

დამტკიცებულია სტუ-ს წარმომადგენლობითი
საბჭოს მიერ



დ ე ბ უ ლ ე ბ ა

1. ზოგადი ნაწილი

- 1.1. წინამდებარე დებულება წარმოადგენს სსიპ საქართველოს ტექნიკური უნივერსიტეტის (შემდგომში - სტუ) შიდა ნორმატიულ დოკუმენტს და განსაზღვრავს საერთაშორისო ურთიერთობათა და სტანდარტების სამსახურის (შემდგომში - სამსახური) საქმიანობის ძირითად მიზანს და ამოცანებს, კომპეტენციის ფარგლებს, დაკისრებულ მოვალეობებს და პასუხისმგებლობის ფარგლებს.
- 1.2. საერთაშორისო ურთიერთობათა და სტანდარტების სამსახური წარმოადგენს სტუ-ს დამხმარე სტრუქტურულ ერთეულს, ექვემდებარება უშუალოდ რექტორს.
- 1.3. სამსახურს ხელმძღვანელობს უფროსი, რომელსაც თანამდებობაზე ნიშნავს და ათავისუფლებს სტუ-ს რექტორი.
- 1.4. სამსახური თავის საქმიანობას წარმართავს საქართველოს კანონმდებლობისა და ნორმატიული აქტების, სტუ-ს წესდებისა და წინამდებარე დებულების საფუძველზე.
- 1.5. სამსახური თავის საქმიანობაში ხელმძღვანელობს სტუ-ს სტრატეგიითა და პრაქტიკული გამოცდილებით.
- 1.6. წინამდებარე დებულებაში ცვლილებების და დამატებების შეტანას განიხილავს და ამტკიცებს წარმომადგენლობითი საბჭო.

2. მიზანი და ამოცანები

- 2.1. სამსახურის მიზანია, სტუ-ს დახმარება და რეკომენდაციების მიწოდება მისთვის სასურველი პარტნიორების მოზიდვასა და მათთან გრძელვადიანი, ლოიალური ურთიერთობების განვითარებაში.
- 2.2. დასახული მიზნის მისაღწევად სამსახურმა უნდა უზრუნველყოს შემდეგი ამოცანების გადაწყვეტა:
 - 2.2.1. სტუ-ს მენეჯმენტის მართვის ხარისხის სისტემის განვითარების ხელშეწყობა
 - 2.2.2. მართვის ხარისხის საერთაშორისო სისტემის (ე.წ. ISO სტანდარტის) სტუ-ში ჩამოყალიბება - დანერგვის ხელშეწყობა და შესაბამისი რეკომენდაციების მომზადება.
 - 2.2.3. უნივერსიტეტის საქმიანობის საერთაშორისო სტანდარტებთან შეთანადების ხელშეწყობა და შესაბამისი რეკომენდაციების შემუშავება;
 - 2.2.4. საერთაშორისო პროექტების მოძიებისა და აკადემიური პერსონალისა და სტუდენტობისთვის შეთავაზების ხელშეწყობა;
 - 2.2.5. საზოგადოებასთან ურთიერთობის საკითხების გადაწყვეტის ხელშეწყობა, როგორც სტუ-ს შიგნით ისე, მის ფარგლებს გარეთ როგორც ელექტრონული, ისე ბეჭდური ფორმით ინფორმაციების მიწოდება;
 - 2.2.6. უცხოურ პარტნიორებთან თანამშრომლობის შესახებ ხელშეკრულებებისა და მემორანდუმების მომზადება.